

Inatsisartut Suleriasianni § 36, imm. 1 malillugu ima Naalakkersuisunut imaattumik apeqquteqaate-qarpunga:

**Naalakkersuisunut apeqqut: Suut tunngavilersuutaappat Naalakkersuisut Ilulissani upalungaarsimaneq SAR junimi, julimi augustimilu matullugu Narsarsuarmi ullormut 24 timit upalungaarsimaneq SAR-imik ikkussineq akuersinerannut?**

(Inatsisartunut ilaasortaq Marie Fleischer, Attaviitsoq)

### **Tunngavilersuut**

Upalungaarsimaneq SAR, Ilulissani Narsarsuarmilu ullormut 14 timit, helikopter S-61-mit, sapaatip akunneranullu ullut arfineq marlut Naalakkersuisut ikkummassuk iluarsinerugaluarpog ajunngivis-soq. Iluamik ingerlavoq inuillu toqqissisimallutik.

Taamaammat akueriuminaatsorujussuuvog maannakkut Naalakkersuisut upalungaarsimaneq SAR ilulissani matullugu Narsarsuarmut nuunna akuerimmassuk. Sooq Avannaa Kujataaniit aasaq ta-maat ajornerusumit inissinneqassava?

Imaassinnaavoq Naalakkersuisut Narsarsuarmi 24 timit upalungaarsimaneq SAR ikkunneranut ku-jataani sikorsuit tunngavilersuutigissagaat. Kisianni tamanna isumaqanngilaq Avannaani minneru-sumik upalungaarsimaneq SAR atorfissaqartinneqalissasoq, tassami umiarsuit tikittussat aatsaat taamak amerlatigaat – ilaatigullu ullormut tikittussat ataasiinnaasaratik. Taamatut isiorneq Naalak-kersuisut akisussaassuseqartutut nalilernerpaat?

Naalakkersuisut Narsarsuarmi aasaanerani ullormut 24 timit upalungaarsimaneq SAR pingaartikku-nikku taava Naalakkersuisut aaliangiinerup kingunissai tigusariaqarpaat, upalungaarsimanerlu SAR aningaasanik amerlanerusunik tunillugu taamaasilluni Ilulissani inuttassanik amerlanerusunik ik-kussisoqarluni – pissutingalugu soorunami AAMMA Avannaani upalungaarsimasoqartariaqarmat!

Nalunngilara Kalaallit Nunaanni upalungaarsimaneq SAR qallunaat naalagaaffiata akisussaaffigi-gaa. Naalakkersuisuli naalagaaffimmut aningaasanik amerlanernik pinissamut iluatsitsisimanngik-kunik allatut ajornaqaaq nammineq aningaasaliisariaqarput. Inuup inuuneranik naleqarsinnaavormi!